



TEKS UCAPAN TETAMU KEHORMAT

Yang Mulia Pengetiran Dato Seri Paduka Haji Mohammad Tashim bin Pengetiran Haji Hassan,

Timbalan Menteri Hal Ehwal Uqama

MAJLIS PELANCARAN

PROGRAM KEPIMPINAN DAN PENGIMARAHAN MASJID MAHASISWA MAHASISWI

KOLEJ UNIVERSITI PERGURUAN UGAMA SERI BEGAWAN (KUPU SB)

TARIKH

14hb Rabiulawal 1445H bersamaan 30hb September 2023M

JAM

9.00 Pagi

BERTEMPAT

JAME' ASR HASSANIL BOLKIAH, KG KIARONG.

بِسْمِ اللَّهِ الرَّحْمَنِ الرَّحِيمِ

الحمد لله رب العالمين, وبه نستعين على أمور الدنيا والدين, والصلاة والسلام على أشرف الأنبياء والمرسلين سيدنا

محمد وعلى آله وصحبه أجمعين.

السلام عليكم ورحمة الله وبركاته

Yang Mulia

Dr Haji Noralizam bin Haji Aliakbar

Pengarah Pusat Ilmu Teras, Kolej Universiti Perguruan Ugama Seri
Begawan (KUPU SB)

Yang Mulia

Awang Haji Amir Hisham bin Haji Masri

Pemangku Pengarah Hal Ehwal Masjid, Jabatan Hal Ehwal Masjid, KHEU

Selaku Pengerusi-Pengerusi Bersama Ahli Jawatankuasa Kerja Majlis
Pelancaran Program Kepimpinan Dan Pengimarahannya Masjid Mahasiswa
Mahasiswi Kolej Universiti Perguruan Ugama Seri Begawan (KUPU SB)

Yang Mulia

Awang Haji Mohammad Rosli bin Haji Ibrahim

Setiausaha Tetap, Kementerian Hal Ehwal Ugama

Yang Mulia

Awang Haji Hardifadhillah bin Haji Mohd Salleh

Pemangku Timbalan Setiausaha Tetap, Kementerian Hal Ehwal Ugama

Yang Mulia

Dr Haji Adanan bin Haji Basar

Ra'es Kolej Universiti Perguruan Ugama Seri Begawan (KUPU SB)

Yang Mulia

Pengarah-Pengarah KHEU, Pegawai-Pegawai Utama KUPU SB, Imam-Imam, Para Mahasiswa Mahasiswi KUPU SB serta Ahli-Ahli Jawatankuasa Kerja Majlis Pelancaran Program Kepimpinan Dan Pengimarahkan Masjid bagi Mahasiswa Mahasiswi KUPU SB, hadirin dan hadirat yang dihormati sekalian.

1. Alhamdulillah, segala puji bagi Allah Subhanahu Wa Ta'ala kerana dengan limpah kurnia, rahmat, `inayah dan izinNya jua, kita semua diberikan kesempatan untuk sama-sama berkumpul di Majlis pada pagi ini.
2. Terlebih dahulu, Peramba/saya dengan tulus ikhlas sukacita merakamkan setinggi-tinggi penghargaan dan terima kasih kepada

pihak KUPU SB dan Jabatan Hal Ehwal Masjid di atas ingatan baik mengundang peramba/saya hadir selaku Tetamu Kehormat di **Majlis Pelancaran Program Kepimpinan Dan Pengimarahkan Masjid bagi Mahasiswa Mahasiswi KUPU SB** anjuran Pusat Ilmu Teras KUPU SB dengan Kerjasama Bahagian Imarah JHEM seterusnya menyampaikan ucapan dan menyempurnakan pelancaran di Majlis ini sebentar nanti.

3. Ucapan tahniah dan syabas juga peramba/saya tujukan kepada Penganjur iaitu; Pusat Ilmu Teras, KUPU SB dengan kerjasama Bahagian Imarah Jabatan Hal Ehwal Masjid, kerana telah berjaya mengungkap Program yang julung-julung kalinya diadakan ini. Syabas sekali lagi.
4. Peramba/saya percaya Program yang dilaksanakan ini adalah suatu usaha murni yang mencerminkan kesungguhan usaha, pemedulian tinggi, komitmen dan kesedaran pihak kerajaan melalui institusi-institusi pendidikan dan pengajian tinggi terhadap pentingnya melibatkan para remaja belia dalam kalangan pelajar-pelajar dalam aktiviti pengimarahkan masjid khususnya yang berkaitan dengan pendidikan. Peramba/saya percaya usaha ini merupakan salah satu wadah ke arah merealisasikan Wawasan Brunei 2035 khususnya dalam bidang Pendidikan.

Para hadirin-hadirat yang peramba/saya hormati sekalian,

5. Kegemilangan sesebuah tamadun tidak akan tercapai tanpa sokongan para belia yang bercirikan rabbani yang mempunyai akhlak yang kukuh dan padu. Pembangunan manusia rabbani ialah membangunkan manusia ke arah kehidupan yang diredai Allah *Subhanahu wa Ta'ala*. Justeru, pembangunan belia rabbani ialah proses membentuk akhlak belia agar selari dengan kehendak al-Qur'an dan al-Hadits agar mereka sentiasa, tunduk, patuh dan taat kepada perintah Allah *Subhanahu wa Ta'ala*. Rasulullah *Shallallahu 'Alaihi Wasallam* sendiri menerima asuhan dan didikan yang bersifat rabbani sehingga peribadi Baginda terbentuk dengan akhlak rabbani. Al-Qur'an menjadi asas utama pembentukan akhlak yang paling terpuji.

6. Ketika proses pembangunan belia rabbani didokong menerusi institusi-institusi pendidikan formal masa kini, peranan masjid juga tidak boleh diketepikan. Fungsi masjid bukan sekadar tempat untuk peribadatan dan aktiviti kerohanian semata-mata. Sejarah telah membuktikan bahawa masjid adalah pusat pelbagai kegiatan masyarakat dan negara. Antaranya sebagai pusat perkembangan ilmu dan dakwah, pusat tarbiyyah dan pendidikan, pusat penyebaran maklumat, pusat pertemuan dan pembangunan aktiviti, pusat kegiatan social, kebajikan dan sebagainya. Ia sekaligus menyumbang kepada pembinaan modal insan dan perkembangan tamadun Islam.

7. Justeru itu, Ibnu Khaldun dalam kitabnya 'Muqaddimah Ibnu Khaldun' menyebutkan bahawa pengurusan masjid yang cemerlang pada zaman awal kebangkitan Islam telah dapat melahirkan ramai tokoh ulama yang bertebaran di seluruh dunia Islam.

Para hadirin-hadirat yang peramba/saya hormati sekalian,

8. Melihat kepada realiti kehidupan masa kini dalam pelbagai isu dan cabarannya, maka sudah setentunya keterlibatan golongan muda dan belia dalam aktiviti dan program pengimarahannya adalah sangat signifikan. Tenaga dan potensi mereka boleh digilap dan ditarbiah agar mereka dapat lahir menjadi insan rabbani. Belia merupakan sumber tenaga manusia yang perlu dibimbing, dididik dan dilatih agar benar-benar menjadi aset negara dan generasi penerus kebangkitan umat Islam dan sumber kekuatan umat pada masa depan. Kekuatan fizikal dan kesegeran pemikiran mereka mestilah diberi perhatian sepenuhnya sebagai sumber tenaga manusia yang penting untuk pembangunan negara.
9. Oleh itu, melalui institusi masjid, pihak pengurusan atau pentadbiran perlulah bijak dengan terus memainkan peranan dan sikap proaktif bagi menarik golongan belia agar turut serta dalam program-program pengimarahannya masjid.
10. Maka yang demikian, peramba/saya secara peribadi amat mengalu-alukan inisiatif KUPU SB dengan kerjasama JHEM mengadakan Program Kepimpinan Dan Pengimarahannya Masjid bagi mahasiswa mahasiswi KUPU SB ini. Usaha ini tidak syak lagi merupakan satu

usaha yang amat signifikan sesuai dengan KUPU SB merupakan sebuah institusi pendidikan perguruan berstatus universiti yang menawarkan program pendidikan perguruan khusus dalam bidang agama Islam yang mana matlamat penubuhan KUPU SB adalah untuk melahirkan sumber tenaga manusia sebagai hamba Allah dan khalifah yang berwibawa dalam pendidikan perguruan Islam untuk membentuk masyarakat dan bangsa yang berilmu, beramal dan bertaqwa menurut ajaran Ahli Sunnah Waljama'ah bermazhab Syafi'i serta mendukung kedudukan Agama Islam sebagai agama rasmi negara dan Konsep Negara Melayu Islam Beraja (MIB).

Para hadirin-hadirat yang peramba/saya hormati sekalian,

11. Dalam usaha menjadikan masjid diimarahkan oleh golongan belia, peramba/saya mencadangkan beberapa inisiatif yang wajar dipertimbangkan antaranya ialah:

- 1) Terus mencari kaedah dan pembaharuan dalam mendekati golongan belia melalui aktiviti anjuran masjid. Dalam perkara ini, pihak masjid perlu sentiasa bekerjasama dengan persatuan, pertubuhan dan kumpulan-kumpulan tertentu secara langsung dengan lebih kerap lagi. Pengisian berbentuk kerohanian boleh diselitkan dalam aktiviti tersebut supaya belia dapat menyebarkan dan memanfaatkan dalam kalangan rakan-rakan sebaya mereka.
- 2) Meningkatkan kemahiran pengurusan masjid. Dalam perkara ini dicadangkan bagi KUPU SB untuk memanfaatkan sumber tenaga pakar dan yang berkemahiran untuk mengendalikan KURSUS

KEMAHIRAN PENGURUSAN DAN PENTADBIRAN MASJID bagi Pegawai-pegawai Hal Ehwal Masjid, Imam-imam masjid, surau dan balai ibadat di bawah kawalan Jabatan Hal Ehwal Masjid (JHEM) KHEU.

3) Mewujudkan hubungan dua Hala, iaitu institusi masjid dengan institusi-institusi pendidikan. Dalam perkara ini, pihak-pihak berkaitan perlu memikirkan secara kritis dan kreatif aktiviti-aktiviti untuk golongan belia yang diselaraskan dengan keperluan semasa.

12. Sebelum mengakhiri ucapan ini, peramba/saya sekali lagi mengucapkan tahniah kepada pihak penganjur iaitu Pusat Ilmu Teras, KUPU SB dengan kerjasama Bahagian Imarah JHEM yang mengunggayahkan Program Kepimpinan Dan Pengimarahkan Masjid bagi Mahasiswa Mahasiswi KUPU SB. Peramba/saya mendoakan semoga segala usaha abiskita ini mendapat balasan dan ganjaran dari Allah Subhanahu Wa Ta'ala jua. Aamiin ya Rabbalalamin.

Akhirnya, dengan lafaz:

بِسْمِ اللَّهِ الرَّحْمَنِ الرَّحِيمِ
اللَّهُمَّ صَلِّ عَلَى سَيِّدِنَا مُحَمَّدٍ وَعَلَى آلِ سَيِّدِنَا مُحَمَّدٍ

PERAMBA/SAYA SUKACITA MELANCARKAN PROGRAM KEPIMPINAN DAN PENGIMARAHAN MASJID BAGI MAHASISWA MAHASISWI KOLEJ UNIVERSITI PERGURUAN UGAMA SERI BEGAWAN (KUPU SB) ANJURAN PUSAT ILMU TERAS KUPU SB DENGAN KERJASAMA BAHAGIAN IMARAH JABATAN HAL EHWAL MASJID BAGI TAHUN 1445 HIJRAH / 2023 MASEHI.

Sekian,

وبالله التوفيق والهداية والسلام عليكم ورحمة الله وبركاته